

Nasayod si Sam nga naghimo siya
sa buhat sa Dios.



Kada adlaw, kada tuig, mitrabaho og maayo si Sam. Kanunay niyang gihimo ang iyang labing maayo. Sa kataposan, gihangyo si Sam nga modumala sa pabrika sa bloke. Nangulo siya sa ubang mga misyonaryo nga mamumuo diha sa ilang mga katungdanan ug misiguro nga ang ilang trabaho maayo pagkahimo.

Nalingaw usab si Sam! Siya ug ang ubang mga misyonaryo magkaubang nanganta og mga awit. Usahay gipasundayag nila ang ilang musika aron sa pag-awhag sa uban nga moduol ug motabang. Bisan man kon si Sam nagtukod, nagkanta, o nakig-ilaila og bag-o nga tawo, ang Dios mitabang kaniya sa paghimo og maayo nga buhat.

Paglabay sa katuigan, gitawag si Sam ngadto sa laing misyon. Apan lahi kini. Dili na niya gamiton ang iyang mga kamot sa pagtukod og mga butang. Hinoon, gamiton niya kini aron sa pagtabang og mga tawo sa sulod sa templo—ang samang templo nga mitabang siya sa pagtukod!

Samtang nagbarog si Sam sa sulod sa templo nga nagsul-ob sa iyang puti nga sinina, mibati siya og kalinaw. Mapasalamaton siya alang sa tanang maayong mga butang nga ang Dios mitabang sa iyang mga kamot sa paghimo. ●

Ang mga tagsulat nagpuyo sa Waikato, New Zealand, ug Utah, USA.